

## Pregled aktivnosti u okviru lingvističke sedmice

Dec 16, 2011

*U okviru Sedmice lingvistike, Lingvistički klub pri Odsjeku za anglistiku, promocijom 7 različitih sekcija dokazao je da je klub otvoren za sve studente. Promocija kluba održana je od 12. do 14. decembra u prostorijama Edukacijskog fakulteta, a bila je namijenjena svim studentima Internacionalnog Burch univerziteta*



U okviru sedmica lingvistike održano je nekoliko tematskih aktivnosti

- promocija sekcija izložbenog karaktera
- predstavljanje muzickog i glumackog talenta studenata
- film & kokice
- predavanje dr. Ramsburga

### Prvi dan

Pažnju studenata zaokupila je aktivnost pojedinacnog predstavljanja svih sekcija Lingvističkog kluba; Klub citalaca, debatna i filmska sekcija, magazin i bilten „Courier“, „Care for Others“, jezički kafe, kao i kviz znanja sa prikupljanjem bedževa, na osnovu kojih ce se kasnije dodijeliti nagrade. Za interakciju velikog broja zainteresovanih studenata, pobrinulo 15 aktivnih članova koji su objašnjavali pravila i dijelili nagrade za tačne odgovore.



Kasnije tog dana, student 2. godine Jasmin Alic, poznatiji kao Bigga, imao je rap nastup i izveo specijalnu numeru napisanu za Edukacijski fakultet.

### **Drugi dan**

Drugog dana ponudjeni su bogati sadržaji, gdje su studenti uživali uz različite igre, kvizove, poslastice i kafu sekcije Jezickog kafea. Stara pisaca mašina u sekciji biltena „Courier“

izazvala je mnogo pažnje i svi su je željeli isprobati, dok je Klub čitalaca ponudio mnogo zanimljivih činjenica o poznatim piscima i njihovim djelima. Debatna sekcija, zahvaljujući prezentaciji osnivača Alme I. Milišić, privukla je mnogo novih članova. Studenti su također bili zainteresovani za filmsku sekciju, ali i organizaciju magazina „Courier“ i humanitarne akcije sekcije „Care for Others“.



Dan je završen projekcijom novog animiranog filma.

### Treci dan

Posljednjeg dana, u izložbenom dijelu studenti su mogli učestvovati u društvenim igrama, a Jezicki kafe ponudio je recepte internacionalne kuhinje. Sa početkom u 11 sati održano je predavanje dr. John Ramsburg-a sa Univerziteta u Micigenu, na temu multikulturalizma i engleskog jezika. Nakon predavanja pokazao se i student treće godine, Aldin Talic sa svojim „stand-up“ nastupom.



Sedmica lingvistike, koja će sigurno ostati upamćena kao uspješna, završena je ceremonijom dodjele priznanja najuspješnijim studentima, koja su uručili rektor prof. dr. Hüseyin Padem i predavaci dr. Azamat Akbarov i dr. Melih Karakuzu. Koktel povodom ceremonije zatvaranja lingvističke sedmice upriličen je uz muzički nastup uživo.



Ready to print: [doc](#), [pdf](#)

International Burch University | [www.ibu.edu.ba](http://www.ibu.edu.ba)